

## 2021 年高師大原住民族語朗讀【馬蘭阿美語】編號 1 號

### O ' Amis hananay a finacadan

1. Itiniay i Kalingko ato Posong a sakowan ko aro' no liteng no 'Amis itiya ho,
2. komod han ko finacadan no Yincomin i Taywan i, o sa'alomanay ko tamdaw no 'Amis.
3. I saka 7 pito anca saka 8 falo a folad no mihecahecaan ko kiloma'an no kasaniyaroaro' no 'Amis.
4. O mafolaway i tokay a finawlan i, itiraay i saka 9 anca i saka 10, saka 11, saka 12 a folad ko pikiloma'an no mira.
5. Makapahay ko caedong ato kero' no 'Amis sanay ko sowal no cimacima a tamdaw.
6. Ka ano licayen ko mira to "o nanicowaay ko 'Amis? samaanay ko kasarayray no 'orip no 'Amis itini i Taywan?"...awa:
7. ay ko mafana'ay, kita o misa'Amisay i, cowa ho karocek ko fana'!
8. Awaay ko tilid ita itiya ho, o kimad sanay no malitengay ko pitooran to nanicowaay ko 'Amis.

9. Ano do^do han ko pilicay ni I-nen-ciya-ci to  
malitengay ita i kaDipongan ho i,
10. palalima hananay nira a pangangn ko kasaniyaroaro'  
ynanitira i Kalingko tahira i Posong.
11. Ira ko katimolay no Tayan o si'icelay a 'Amis hananay,  
ira ko Siwkolanay, o Pasawaliay, o Farangaway ato o  
Palidaway a 'Amis.
12. O tatapangan no kaitiraan no kasaniyaroaro' no 'Amis i,  
ira ko nanitiraay i Cilangasan, nanitiraay i Cacora'an,  
Tatiforacan, Kasasikolan, Panapanayan ato Sanasay.
13. Itiya ho i, o wina ko sitatodongay to demak no loma', o  
demak no niyaro' nga, o fa'inayan ko sitatodongay;  
mikadafoay ko fa'inayan i loma' no fafahiyan.
14. Anini i, toor sanay to kita to pinangan no Payrang, saka  
awa:ay to ko mikadafoay a fa'inayan!
15. Ano marawod ho ko mihecaan no fa'inayan to 13 anca  
14 i, tayraay i sefi a mikapot, minanam to demak no  
fa'inayan ato matayal to demak no niyaro'.
16. O sapalafa'inayaw a cecay ko pihatatanam to demak i  
sefi nga, ira ko 'icel a midipot to niyaro', tanektek ko  
parod nira, maparayray mapadotoc ko lekakawa no  
niyaro'.
17. Kita o teloc no 'Amis, aka ka eca kafana' to rayray  
no 'orip no liteng, aka tawalen ko taneng ato sowal no

mira;

18. o sakaci'icel no mita a misi'ayaw to maamaan a demak  
konini.